

Na osnovu člana 9. Zakona o Agenciji za bankarstvo Federacije Bosne i Hercegovine ("Službene novine Federacije Bosne i Hercegovine", br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12) Upravni odbor Agencije za bankarstvo Federacije BiH na sjednici održanoj dana 31. 3. 2015. godine donosi

**UPUTSTVO
O IZMJENAMA I DOPUNAMA
UPUTSTVA ZA LICENCIRANJE I DRUGE SAGLASNOSTI
AGENCIJE ZA BANKARSTVO FEDERACIJE BOSNE I HERCEGOVINE**

1. U Uputstvu za licenciranje i druge saglasnosti Agencije za bankarstvo Federacije Bosne i Hercegovine („Službene novine Federacije BiH“, broj: 1/14), u tački 3.4. iza riječi: „filijala“ dodaju se riječi: „ili drugog organizacionog dijela“.
U tački 3.13. ispred riječi: „dozvolu“ dodaje se riječ: „posebnu“, a iza riječi: „kapitala“ dodaje se riječ: „banke;“
Tačka 3.20. mijenja se i glasi: „prethodnu saglasnost za pretvaranje ili zamjenu subordinisanog duga u stavke kapitala iste ili više kvalitete;“
Tačka 3.21. mijenja se i glasi: „prethodnu saglasnost za uključenje hibridnih, odnosno konvertibilnih stavki-instrumenata kapitala, u obračun dopunskog kapitala banke;“
Tačka 3.22. mijenja se i glasi: „prethodnu saglasnost za uključenje ostalih instrumenata kapitala, u obračun dopunskog kapitala banke;“
2. U tački 9.3. iza riječi: „finansijskih“ dodaju se riječi: „i drugih“.
3. U tački 65. riječ: „mogu“ mijenja se riječju: „može“.
4. U tački 87.1 u podtački 1.2. dodaje se nova rečenica na kraju i glasi: “dioničari – koji imaju ZVI dostavljaju detaljno popunjen upitnik (fizička lica), odnosno registraciju i usvojen posljednji finansijski izvještaj (pravna lica).“
Dodaju se nove podtač. 1.12. i 1.13. i glase:
„1.12. izjavu da dionice stiče za sebe, a ne za drugo lice;“
„1.13. listu članova uprave i nadzornog odbora s detaljno popunjenim upitnicima za svakog člana.“
5. U tački 87.2 dodaju se nove podtač. 2.9. i 2.10. i glase:
„2.9. izjavu da dionice stiče za sebe, a ne za drugo lice;“
„2.10. upitnik detaljno popunjen od strane bračnog/vanbračnog duga i djece, odnosno lica koja žive u istom domaćinstvu ili imaju međusobno povezane ili zajedničke investicije.“
6. U tački 107.5. iza riječi: „tri godine“ dodaju se riječi: „od sticanja visokoškolske diplome iz tačke 107.4. a)“.
7. U tački 117. iza riječi: „kao i odluku o razrješenju dosadašnjeg člana uprave sa“ dodaje se riječ: „detaljnim“.
8. U tački 120.2. riječi: „podatke o školskoj spremi/stručnim znanjima te ovjerenu kopiju diplome“ zamjenjuju se riječima: „podatke o školskoj spremi i stručnim znanjima uz koje se dostavljaju dokumenti kojim se isti potvrđuju: ovjerena kopija diplome, ovjerene kopije certifikata, itd.“.

U tački 120.4. iza riječi: „rezultatima iste“ dodaje se zarez i riječi: „a ako je u pitanju osnivanje banke procjenu vrši osnivač;“.

Tačka 120.12. se briše.

9. U tački 121. iza riječi: „zahtjev banke“ dodaju se riječi: „u cijelosti ili pojedinačno“. Dodaje se na kraju nova rečenica koja glasi: „U slučajevima kada se odbija izdavanje saglasnosti pojedinačno, FBA nalaže dostavljanje prijedloga za izbor novog člana nadzornog odbora u roku iz tačke 125. ovog uputstva.“
10. U tački 125. iza riječi: „prijedlog odluke o razrješenju dosadašnjeg člana nadzornog odbora, sa“ dodaje se riječ: „detaljnim“.
11. U tački 140. riječi: „30 dana“ zamjenjuju se riječima: „60 dana“.
12. U tački 142. riječi: „odobrenja za emisiju“ zamjenjuju se riječima: „mišljenja o izdavanju“.
13. U tački 147. riječi: „odobrenju emisije“ zamjenjuju se riječima: „dobivanju pozitivnog mišljenja FBA o izdavanju“.
14. U naslovu poglavlja XXII. iza riječi: “DUGA“ dodaju se riječi u zagradi: “(UZETI KREDITI I IZDATE OBVEZNICE)“.
15. U tački 150. iza riječi: „kapitalom banaka“ dodaju se riječi: „i kapitalnoj zaštiti (u daljem tekstu: Odluka)“, a iza riječi: “dostavlja“ dodaju se riječi: “prijedlog ugovora o kreditu koji će se zaključiti između banke i povjerioca, odnosno Aneks postojećeg ugovora o kreditu, koji ima sve elemente utvrđene Odlukom.“
Tačke 150.1., 150.2., 150.3. i 150.4. se brišu.
16. U tački 151. iza riječi: „obveznica“ dodaju se riječi: „kao subordinisanog duga“.
U tački 151.1. riječ: „kreditu“ mijenja se riječju: „dugu“.
17. Naslov poglavlja XXIII. mijenja se i glasi: „PRETHODNA SAGLASNOST ZA PRETVARANJE ILI ZAMJENU SUBORDINISANOG DUGA U STAVKE KAPITALA ISTE ILI VIŠE KVALITETE“
18. Tačka 154. mijenja se i glasi: „banka uz zahtjev za izdavanje saglasnosti za pretvaranje ili zamjenu subordinisanog duga u stavke kapitala iste ili više kvalitete, dostavlja FBA prijedlog odluke nadležnog organa o navedenim radnjama i elaborat o ekonomskoj opravdanosti istih. Elaborat obavezno sadrži analizu utjecaja pretvaranja subordinisanog duga u stavke kapitala iste ili više kvalitete na finansijske pokazatelje poslovanja banke.“
19. Naslov poglavlja XXIV. mijenja se i glasi: „PRETHODNA SAGLASNOST ZA UKLJUČENJE HIBRIDNIH, ODNOSNO KONVERTIBILNIH STAVKI-INSTRUMENTATA KAPITALA, U OBRAČUN DOPUNSKOG KAPITALA BANKE“
20. U tački 156. iza riječi: „Banka uz zahtjev za izdavanje saglasnosti za uključenje“ dodaju se riječi: „hibridnih, odnosno“, a iza riječi: “prijedlog ugovora“ dodaju se riječi: „odnosno aneks postojećeg ugovora“.
21. Naslov poglavlja XXV. mijenja se i glasi: „PRETHODNA SAGLASNOST ZA UKLJUČENJE OSTALIH INSTRUMENTATA KAPITALA, U OBRAČUN DOPUNSKOG KAPITALA BANKE;“
22. Tačka 159. mijenja se i glasi: „banka uz zahtjev za izdavanje saglasnosti za uključenje ostalih instrumenata kapitala u dopunski kapital, dostavlja FBA prijedlog ugovora sa

vjerovnikom i izjavu da će sredstva u potpunosti biti uplaćena banci u roku 15 dana od dobivanja prethodne saglasnosti. Ugovor mora sadržavati najmanje sljedeće odredbe: da je ugovoren rok dospeljeća duga najmanje 5 (pet) godina od dana uplate; da banka ili s njom povezana lica nisu vjerovniku dali instrument za osiguranje naplate po tom osnovu i da dug nema status osiguranog duga; da je instrument u cijelosti raspoloživ za pokriće gubitka iz tekućeg poslovanja, kao i u slučaju likvidacije ili stečaja banke; da banka ima mogućnost odgode isplate kamata i naknada po instrumentu.“

23. U tački 160 riječi: „trajnih namjenskih ili nenamjenskih depozita“ zamjenjuju se riječima: „ostalih instrumenata kapitala“.

24. Naslov Upitnika mijenja se i glasi: „Upitnik (podaci dati u Upitniku poslovanja su tajna FBA)“

Tačka 2. mijenja se i glasi: „Kandidat se predlaže za izbor/imenovanje na funkciju:“

U tački 15. iza riječi: „Izjava o“ dodaju se riječi: “vođenju krivičnog postupka ili pravosnažnoj osuđivanosti za jedno ili više krivičnih djela,“

25. Ovo Uputstvo stupa na snagu osmog dana od dana objavljivanja u „Službenim novinama Federacije BiH.“

Broj: U.O. – 69-3/15
Sarajevo, 31. 3. 2015. godine

PREDSJEDNICA
UPRAVNOG ODBORA

Rajka Topčić, dipl. oec., s.r.